

Di dos anochi di Festival Infantil y Hubenil

Himno y Bandera

E di dos anochi di “Festival Un Canto Na nos Himno y Bandera”, categoria 4 pa 6 aña y 13 pa 17 aña a cuminsa cu tipico “Poco Poco” cu a acompaña “Eshline Pannefle” di categoria 13 pa 17 aña cu e tumba “Cumpli mi Compromiso”. Por a ripara cu Eshlaine ta creciendo y cu ritmo di su grupo e calificacion cu el a duna su tumba den su entusiasmo a cay bon tambe: “tumba arubiano!” El a conta mes ora tambe pa un puesto halto, pero no a logra premiacion.

“Grupo Sparkle” a presenta cu e cantante Kiandra Koolman, di mes categoria, cu e wals “E perla den lama” pero e perla tampoco a converti den premiacion.

E di tres grupo tabata “Orguyo Arubiano” cu a presenta cu dos cantante despues. E prome tabata “Gizane Boekhoudt” cu “Isla di mi bida”, un wals y e di dos “Kathleen Semerel” cu wals “Aruba mi Amor pa bo ta inmortal”. “Gizane” tabata tin bon presentacion di su cancion y tambe sigur a haya puntuacion pa por tabata den e mihor 10 nan despues. Pero “Kathleen” si no a logra impone cu su wals.

E cantante cu a logra lanta e publico despues a resulta di ta Ezahayra Arteaga di categoria 4 pa 6 aña cu Tipico Savaneta. A pesar cu e coro tabata tin volumen abao, Ezahayra a carga su wals y finalmente



cambianan den e cancion y con durante e mambo el a keda pega na su coro cu a duna hopi sosten aki. Stephanie sinembargo no a cay den premiacion.

Di e mes categoria a sigui cu e mes tipico, e cantante Ashwin Maduro cu danza “Nos t’ei keiro den Parke Arikok”. E hobencito aki tambe a move e publico y finalmente a bin termina na di dos lugar tambe den e categoria.

Tipico Katatumbo a presenta cu solamente un cantante cu tabata Mary Jane Vrolijk. For di su comienzo mi a sinti cu e lo mester por termina entre e mihornan di e anochi cu e voz precioso y a sorpren-



a bin gana e festival den su categoria tambe.

Cu Tipico Savaneta a presenta tambe Zaina Falconi cu e wals “Bo lo no perde mi Nunca”. For di chikito por a mira con e cantante aki a keda mehora y cu un voz precioso. E tambe a haya su mes cu e situacion di volumen di coro cu tabata mucho abao, sinembargo, e voz precioso cu e tin a tapa tur esey, y finalmente ta Zaina mes a bira ganador di e festival den categoria di 13 pa 17 aña.

E di dos participante di 4 pa 6 aña tabata Ivy Ann Bryson cu a presenta cu Tipico Alegre Kadushi Largo. Ivy Ann a presenta su danza cu hopi briyo y indicacion ta cu e lo mester haya puntuacionnan halto pa por ta entre e premiadonan na final. El a logra suficiente punto pa a termina na di 5 lugar cu su “Te den mi alma y Curazon”.

Bon presentacion riba escenario tabata tambe di Stephanie Quant di 4 pa 6 aña tambe. mi a gusta con el a logra mantene ritmo ora di

demi con e por a mantene su articulacion cu e lihieza di e tumba “Orguyoso di Aruba”.

Na final a resulta cu Mary Jane Vrolijk a termina na di dos lugar, tras di Zaina Falconi. Mi tabata di acuerdo completo cu e decision aki.

Banda Un famia a sigui cu dos cantante. Un di categoria 4 pa 6 aña di edad y e otro di 13 pa 17 aña. E prome cantante tabata Rahaylee Kock cu e wals “Di awe Padilanti”. Rahaylee tabata tin un bon presentacion y mi a gusta con el a saca su mes afo, cu un improvisacion, di un frase lubida y usa parti di otro frase cu tabata casi similar. El a cuadra exacto ademas. Rahaylee a bin termina den categoria di 4 pa 6 aña na di 4 lugar. Di e otro categoria Zhaisky Kock cu aña tras aña ta mehorando, a presenta e tumba “Libertad libertad”. E tambe a demostra di ta fuerte pa por cay den premiacion e anochi aki y finalmente a termina na di 3 lugar.

Nos Paraiso a presenta cu e cantante Cindy Erasmus cu e wals Mi Isla den categoria di 13 pa 17 aña. Personalmente mi no a mira e Cindy cu mi a conoce den festivalnan cu semper tabata fuerte. E wals no a pega y ademas el a resulta poco largo. Cindy no a clasifica pa premio.

Fortaleza Crioyo a habri cu Jerryssa Kock cu tumba “Celebracion den Grandi” den categoria 13 pa 17. Un cos sigur cu mi a gusta di Jerryssa ta su shimis cu a ponemi corda riba e moda di Can Can di fin di decada 50 di siglo pasa. Ta e sayanan yena bao di e saya di arriba, e no tabata tin. El a keda nechí. El a traha su piñata pa Aruba pero cu peso mas den e piñata e lo tabata den premiacion sigur.

Steve Geerman a haci su reaparicion den festival despues di varios aña hunto cu Gilia Croes a interpreta e wals-danza “Un sueño, un bandera.” Esaki den categoria di 13 pa 17 aña tambe. Te na e momento ey nan tabata prospectonan pa premio, dependiendo di kico lo tin ainda di e otro cantantenan. Mi a prefera sinembargo di a scucha Steve den solo pa compare cu e Steve di “ayera”. Pero den duo mester bisa cu nan a combina bunita cu otro y Gilia tambe a impresionar. nan no a logra e puntuacion necesario pa por a clasifica den e 5 nan premia.



Tipico Talentoso a sigui cu dos cantante. Den categoria di 4 pa 6 aña cu **Jaysi Ann Croes** cu e danza "**Ban keiro den bus**" y den categoria 13 pa 17 aña **Jayleen Croes** cu e tumba "**Mi stime**". **Jaysee Ann** tabata tin bon presentacion pero aki a keda pa warda pa e puntuacionnan final. E no a cay den premiacion. Mescos tabata cu **Jayleen** cu semper tabata cantante fuerte y e anochi aki a keda pa spera puntuacionnan final, y finalmente e no a cay den premio.

Melodia e anochi aki a bini fuerte cu seis cantante y cada cancion di nan tabata un composicion pa por a clasifica mirando e cantan-

tenan.

E prome cantante cu **Melodia** tabata **Zina Richardson** den categoria di 4 a 6 aña. E chikitin aki for di su salida cu e cancion wals "**Nos Placa**" a pega bon. Loke mi a gusta sigur ta e composicion y e educativo cu e por ta, y na mes momento e fantasia di e compositor **Rubin Ponson**, pa a hinca e palabranan y frasenan den otro asina bunita. Mi lo bin despues cu e palabranan di e cancion aki. **Zina** a bin termina na di 3 lugar den su categoria. E otro cantantenan cu **Melodia** tabata di categoria 13 pa 17.

E otro cantante tabata **Nicole Dijkhoff** cu e tumba "**Mi a siña stima mi Aruba**". **Nicole** sigur a fiesta riba escenario durante su interpretacion, sinembargo no a logra cay den premionan. E siguiente cantante cu e



grupo tabata **Aisha Romero** cu e danza "**Sea Orguyoso**". E tampoco a cay den premio. **Kayla Villasmil** a sigui cu e tumba "**Sabor Arubiano**". E tumba aki tabata bunita interpreta y loke a impresionami tabata e parti instrumental di **ritmo, piano y cuarta so** y e instrumental solo



di piano y cuarta despues di e **pregon** cu tabata cu **coro y ritmo so**. **Kayla** tabata bal puntuacionnan pa un premio y a logra tambe terminando na di 5 lugar den e categoria.

Ritmo a cambia cu **Gilma Dijkhoff** cu seguidamente a interpreta un wals titula "**Luna bunita**". Bunita tabata e cambio constante di acordenan for di cuminsamento te final di e cancion y con **Gilda** a lora su texto cu cada un di e cambionan aki y hopi bunita. **Gilma** no a cay den premiacion tampoco.

Kiziah Trimon a cera e presentacion di **Melodia** cu e tuma "**Si ami**



por, abo tambe por" y bunita ta e mensahe cu el a duna hobennan na final, pa nan por logra nan meta den bida. Tabata su ultimo presentacion como hubenil y awor lo mester participa den e adultonan. Den su tumba tambe e mensahe tabata refleha positivismo y motivacion pa hobennan. E no a logra cay den premiacion pero su presentacion tabata fuerte y hopi bon.

Tipico Muchanan di Mama Rosa a presenta cu e cantante **Thahirah Wever**. E tambe ta un cu a duna bon bataya y tabata prospecto tambe pa premiacion, sinembargo no a logra cu su wals "**Mi Herencia**".

Alma Folklorico a presenta cu solamente **Priscilla Quant** cu a canta e wals "**A bira tempo**". **Priscila** a profila tambe un paso den premiacion cu e cancion aki y finalmente a logra tambe, terminando na di 4 lugar.

E penultimo cantante tabata **Maykxyon Maduro** cu "**Grupo Ambiente Familiar**". **Maykxyon** a cana e danza "**E piscado**". Bunita di su presentacion tabata e boto di piscador cu el a presenta riba escenario y tambe e trahe cu e tabata tin bisti. Mientras e tabata canta e boto tabata move di un banda pa otro banda como si fuera ta riba e olanan di berdad e ta, y e publico a goza esey masha hopi. E biaha aki si **Maykxyon** no a cay den premiacion, pero su premio tabata sigur e aplauso grandi cu su publico a dun'e.

Bon presentacion sigur tambe tabata di **Genesis Maduro** cu agrupacion **G.I.G.**, e wals titula **Cosecha Arubano**.

Di e 19 cantantenan di categoria 13 pa 17 aña, pa siguiente festival, sigur 9 di nan lo no tey ya cu nan lo ta participando den festival di adultonan, yegando 18 aña di edad e aña aki. Esaki ta muestra un biaha mas cu ta sembra for di e festivalnan infantil y hubenil y ta cosecha e participantenan pa festival adulto.

Juby Naar

